

Inatsisissatut siunnersuummut nassuiaatit

Nassuiaatit nalinginnaasut**1. Aallaqqaasiut**

Inatsisartut inatsisisaanni ilaatigut § 6-ip kalaallisoortaata qallunaatoortaatalu imminnut naapertuuttunngortinnissaat ilaatigullu aalajangersakkap imarisaasa erseqqissarnissaat siunnersuummi siunertarineqarput.

Aalajangersakkap qallunaatoortaani inuup maannakkorpiaq aningaasarsiai 10 procentimik tassangaluunniit annertunerusumik allannguuteqartussatut ilimagineqarpata, pineqartumut maannakkorpiaq aningaasarsiat aningaasarsiassatut tamakkiisutut ilimagineqartut tunuliaqutaralugit naatsorsorneqassasut allassimavoq, aalajangersakkalli kalaallisoortaani aningaasarsiat 5 procentimik allannguinnartulli naatsorsuisoqartassasoq allassimalluni.

Aalajangersakkap atuutsinneqarnera siunertaralugu maannakkorpiaq aningaasarsiat 5 procentimik tassangaluunniit annertunerusumik allannguuteqarneranni, aningaasarsiassatut naatsorsuutigisat naatsorsoqqinneqartassasut Aningaasaqarnermut Naalackersuisoqarfiup tunngavigineqartussanngortippaa.

Aningaasarsiat aalajangiinermut tunngavigineqartut ukiup aningaasarsiorfiusup iluani annertuumik allannguuteqartarneri aalajangersakkami pineqarpoq. Tamanna assersuutigalugu ilinniagaqartup ilinniakkaminik naammassinnilluni aalajangersimasumik suliffeqalertarnerani, imaluunniit sulisartup soraarninngornissani siunertaralugu siliunnaarnerani, imaluunniit pineqartoq napparsimanini tassangaannartumilluunniit ajoqusernini pissutigalugu piffissami sivikitsumi sivisuumiluunniit sulisinnaajunnaarnerani pisinnaavoq.

Innuttaasup imaluunniit illoqataasup maannakkorpiaq aningaasarsiai ukiup isertitaqarfiusup sinnerani Inatsisartut inatsisisaanni procentimik allaasimasumik tassangaluunniit annertunerusumik allannguuteqassasoq ilimagineqarpat, oqartussat aningaasarsiassatut ilimagineqartumik naatsorsueqqissapput. Naatsorsueqqinneq innuttaasup oqartussalluunniit suliniuteqarnerisigut pissaaq. Maannakkorpiaq aningaasarsiat allanngornerata innuttaasup utoqqalinermi pensionisiaasa, siusinaartumik pensionisiaasa, ineqarnermut tapiissutisiaasa il. il. . apparneqarneri qaffanneqarneriluunniit nassatarissavai.

Malittarisassat atuuttut naapertorlugit inuup maannakkorpiaq aningaasarsiaani allannguutissatut naatsorsuutigineqartut tassaapput, aningaasarsiat naatsorsoqqinneqarnissaannut aalajangiisussat. Pisut ilaanni pisortat ikiorsiissutaat inoqutigiit tamarmik maannakkorpiaq aningaasarsiai tunngavigalugit tunniunneqartarput. Tamanna assersuutigalugu atuuppoq ineqarnermut tapiissutinut. Inoqutigiinni ataaseq ass. 50.000 kr.-

nik aningaasarsiaqarpat, allalu 150.000 kr.-nik aningaasarsiaqarluni, siulliup taaneqartup aningaasarsiaani 2.500 kr.-nik imaluunniit annerusumik qaffariarnerup appariarnerulluunniit pineqartup maannakkorpiaq aningaasarsiaani naatsorsueqqittariaqarnermik inerneqassaaq, tamatumalu inernerisinnaavaa inoqutigiit tapiissutit pisartagaasa allannqorteqqinneqarneranik. Inuup aappaata aningaasarsiai 7.500 kr.-inik amerlanernilluunniit allannqussapput, malittarisassat atuuttut naapertorlugit pineqartup maannakkorpiaq aningaasarsiaanik naatsorsueqqittoqassappat. Suliani tapiissutit inoqutigiit aningaasarsiaat assigisaalluunniit tunngavigalugit tunniunneqartartuni assigiinnqissuseq tamanna paariinnassallugu pitsaasumik tunngavissaqarpasinngilaq. Tamanna iluarsineqarsinnaavoq aalajangersakkap allannqortinneratigut, taamaasilluni tapiissutit tunniunneqarnerini aningaasarsianut tunngavigineqartunut innersuussisoqarnikkut.

Innuttaasut oqartussallu soqutigisaat eqqarsaatigalugit, 5 procentimik procentiliisoqarnissaa siunnersuutigineqarpoq. Ataatsimut isigalugu inuttaasoq oqartussaasulluunniit ikiorsiissutitut tunniunneqartut annertuallaamik allannqortarnissaat soqutigisarinnqilaat.

2. Siunnersuutip imarisai pingaarnerit

Aningaasarsiai ukiup isertitaqarfiusup sinnerani 5 procentimik tassannqaluunniit annertunerusumik allannquteqarnissaat ilimagineqarpat, maannakkorpiaq aningaasarsiaasatut ilimagineqartut naatsorsoqqinneqartassasut ataatsimut isigalugu siunnersuutigineqarpoq. Maannakkorpiaq aningaasarsiat qaffannissaat apparnissaalluunniit ilimagineqarnerat apeqqutaatinnagu naatsorsueqqinnerit pisassapput.

Aalajangersakkakkut aalajangersakkap kalaallisuuani qallunaatuuanilu assigiinnqissut atorunnaarsinneqarpoq, soorluttaaq ukiup isertitaqarfiusup sinnerani isertikkumaagassatut naatsorsuutigineqartoq siunniunneqassasoq.

Ilanngullugu siunnersuutigineqarpoq, tapiissutit tunniunneqarneranni aningaasarsiat tunngavigineqartut allannqorneranni, maannakkorpiaq aningaasarsianik naatsorsueqqittoqarsinnaasoq. Tamatumani tapiissutinik pineqartunik tunniussinermi (naatsorsuinermi) kingullermi aalajangiisoqarmat atuuttuni tunngavigineqartuni maannakkorpiaq aningaasarsiat 5 procentimik annertunerusumilluunniit allannqussasut naatsorsuutigineqarpata naatsorsueqqittoqassaaq. Immikkoortuni, inoqutigiit maannakkorpiaq aningaasarsiai aallaavigalugit tapiissutinik tunniussisarfiusuni il. il., inoqutigiit maannakkorpiaq aningaasarsiai 5 procentimik annertunerusumilluunniit allannqorpata naatsorsueqqittoqassaaq. Immikkoortuni, inuup pineqartup maannakkorpiaq aningaasarsiai aallaavigalugit tapiissutinik tunniussisarfiusuni il. il., inuup maannakkorpiaq aningaasarsiai 5 procentimik annertunerusumilluunniit allannqorpata naatsorsueqqittoqassaaq.

Inatsisissatut siunnersuutip inatsimmut maanna atuuttumut sanillersuunera	
<i>Oqaasertaliussat maanna atuuttut</i>	<i>Inatsisissatut siunnersuut</i>
	§ 1
	Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017-imeersumi tulliuttut allanngortinneqassapput:
§ 6. Inuup maannakkorpiaq aningaasarsiaasa 5 procentimik tassanngaluunniit anginerusumik allannguuteqarnissaat naatsorsuutigineqarpat, maannakkorpiaq aningaasarsiat maannakkorpiaq aningaasarsiasatut naatsorsuutigisat tamarmiusut tunngavigalugit naatsorsorneqassapput.	” § 6. Maannakkorpiaq aningaasarsiat aningaasarsianut, aalajangiinnermut tunngavigineqartunut naleqqiullugit uuttorneqartunut ukiup isertitaqarfiusup sinnerani 5 procentimik tassanngaluunniit annertunerusumik allannguuteqartussatut ilimagineqarpata, aningaasarsiasatut ilimagineqartut tunuliaqutaralugit naatsorsorneqassapput.”

3. Aningaasaqarnikkut allaffissornikkullu pisortanut sunniutissat

Sipaarutaasinnaasut aningaasartuutaanerunit illuatungilerneqarnissaannik ilimagisaqarneq patsisigalugu, siunnersuut pisortanut killilimmik aningaasatigut kinguneqassangatinneqarpoq.

Siunnersuut pisortatut oqartussaasunut annikitsumik allaffissornermi suliassanik annikillisisissatut ilimagineqarpoq, naatsorsueqqittarnerimmi ikinnerulissammata, naatsorseqqinnerit taamaallaat siusinnerusukkat aalajangiinnermi maannakkorpiaq aningaasarsiat tunngavigineqartut allanngoraangata pisarnissaannut nuuttoqarpat. Assersuutigalugu immikkoortuni, inoqutigiit maannakkorpiaq aningaasarsiai taamaattumillu inoqutigiit ataatsimut aningaasarsiai allanngorsimappata tunngavigalugit aalajangiiffiusartuni, naatsorsueqqittarnerit ikileriassapput.

4. Inuussutissarsiutinik ingerlataqartunut aningaasatigut allaffissornikkullu sunniutissai

Siunnersuut namminersorlutik inuussutissarsiortunut allaffissornikkut aningaasatigullu kinguneqassanngilaq.

5. Avatangiisinut, pinngortitamut inuillu peqqissusiannut sunniutissai

Siunnersuut avatangiisinut, pinngortitamut innuttaasulluunniit peqqissusaannut sunniuteqassanngilaq.

6. Innuttaasunut sunniutissai

Innuttaasut ilaannut inoqutigiinni maannakkorpiaq aningaasarsiat 5 procentimik annertunerusumilluunniit allannguuteqarpata naatsorsueqqinnissamik piumasaqaat aatsaat pisassaaq, tamannalu aningaasaqarnikkut iluaqutaassaaq, tassami inoqutigiit ataatsimut aningaasarsiaat 5 procentimik annertunerusumilluunniit qaffareerpat

naatsorsueqqittoqassammat. Tamatuma pineqartup isumaginninnikkut ikiorsiissutit apparsinnaanerannik aarlerissuteqarnera annikillisissavaa.

Innuttaasunut allanut taakkununga maannakkorpiaq aningaasarsiaminni appariartoqarnerani, inoqutigii ataaatsimut maannakkorpiaq aningaasarsiaanni 5 procentimik annertunerusumilluunniit appariarsimanginnerat pissutigalugu naatsorsueqqittoqannginneratigut siunnersuut aningaasaqarnikkut akornutaasinnaavoq.

Siunnersuut innutaasunut allaffissornikkut kinguneqassangatinneqanngilaq.

7. Sunniutissai pingaarutilit allat

Siunnersuut allatigut kinguneqassangatinneqanngilaq.

8. Oqartussaasunik kattuffinnillu il. il. tusarniaaneq

Siunnersuut piffissami 25. septemberimit 2. november 2018-imi Namminersorlutik Oqartussani naalackersuisoqarfinnut tamanut, Sulisitsisunut, SIK-mut NUSUKA-mut kiisalu kommuninut tallimanut tusarniutigineqarpoq.

Aammattaaq siunnersuutit piffissami tassani www.naalackersuisut.gl ataani tusarniaavimmi tamanut takusassanngorlugu saqqumiunneqarpoq.

Piffissap tusarniaaviusup qaangiunnerani tusarniaanermi akissutit makkuninngaaneersut tiguneqarput: Isumaginninnermut Inatsisinillu Atuutsitsinnermut Naalackersuisoqarfik (IIAN), Sulisitsisut, SIK, Inuussutissarsiornermut Nukissiuuteqarnermullu Naalackersuisoqarfik, Aatsitassanut Suliffeqarnermut Nunamullu Naamminermut Naalackersuisoqarfik, Peqqissutsimut Ilisimatusarnermullu Naalackersuisoqarfik aamma Ineqarnermut Attaveqatiginnermullu Naalackersuisoqarfik.

Oqaaseqaatit tiguneqartut tulliuuttuni nalinginnaasumik allanneqarput, Naalackersuisullu oqaaseqaataat *uingasunik* allanneqarlutik.

IIAN-ip oqaatigaa, maannakkorpiaq aningaasarsianut ikaarsaariarnermut atatillugu suliat nammatassat annertooujussuit kommunit malinnaaffiginissaat ajornakusoortitorujussuugaat.

Naleqquttuussaaq maluginiassallugu, pissutsit taakku kommunip oqaaseqarfigisimangimmagit. Isumaginninnermi aningaasartuutitigut sipaaruteqarfigineqarnerup saniatigut malittarisassat nutaat nassataraat aningaasarsiat akileraarutaasussat ukiut marluk tikillugit pisoqaassusillit tunngavigalugit isumaginninnermi tapiissutit tunniunneqartarunnaarmata. Taamaalillunilu malittarisassat nutaat pitsaaqutaat tamarmiusut kommunit annertunerusumik suliakkerneqarsinnaanerannit annertunerusorinarput.

IIAN-ip siunnersuutigaa, oqaasertaliorneq ”ukiup aningaasarsiaqarfiup sinnera”
peerneqassasoq, missingiut taama ittoq innuttaasut peqatigalugit ingerlanneqartariaqarmat.

Maannakkorpiaq aningaasarsianik naatsorsuineq automatiskimik ingerlasarpoq. Qaammatit kingulliit 12-it aningaasarsiarisimasat aallaavigalugit IT-kkut aaqqissuussaanerup ukiumi aningaasarsiaqarfimmi qaammatini sinneruttuni aningaasarsiassatut naatsorsuutigisat missingersortarpai. Taamaasilluni siunissami aningaasarsiassatut naatsorsuutigisat, isumaginninnikkut tapiissutinik tunniussinermut aalajangiisuussapput. Innuttaasup aamma oqartussaasut suliani aalajangersimasuni automatiskimik missingersuutit apequsersinnaavai, oqartussaasullu assersuutigalugu innuttaasup saaffiginnereernerani, automatiskimik missingersuutit qularnartuusut tunngavilersukkamik pissutissaqartoq isumaqarpat, oqartussaasup nammineq missingersuutiminik tamanna taarsersinnaavaa.

Marlunnik pequtissaqarpoq kingumut isiginissamut taarsiullugu siumut isiginissamut. Siullertut naleqqunneruvoq isumaginninnikkut tapiissutit innuttaasut aningaasarsiassaannut naatsorsuutigisat tunngavigalugit tunniunneqartarnissaat. Taamaasillutik tapiissutit ilimanarnerusumik innuttaasup piffissami, innuttaasup aningaasarsiaminik tigusiffimmini aningaasarsiaviinut naleqqunnerussammata. Aappaattut IIAN-ip siunnersuutaa suliarpassuarnik pilersitsissaaq, isumaginninnikkut tapiissutinik akilerneqareersimasunik allangortitsinissamut, tapiissutini akiliinermi tunngaviusunit aningaasarsiat sinnerlugit amigartumilluunniit nikingasimappata.

IIAN-ip inassutigaa, allakkami erseqqissarneqassasoq maannakkorpiaq aningaasarsiat tunngavimmit sumit allangussasut.

Siunnersuut ilanngunneqarpoq.

IIAN-ip siunnersuutigaa, maannakkorpiaq aningaasarsianik naatsorsueqqittarnermut malittarisassat allangortinneqassasut, taamaasilluni isumaginninnermi tapiissutit tunniunneqarneranni naatsorsuinnermi tunngavik tunngavigineqassalluni. Tamatuma malittarisassat pisariillisissavai, naatsorsueqqinnerit ass. inoqutigiit pineqarneranni, ataatsimut naatsorsuinnermi tunngavinni kiisalu ilaannakumik annertussuseqanngitsumi aningaasarsiani allannguisoqarnerani tunngaveqartumik pisuni.

Siunnersuut ilanngunneqarpoq. Tamatumunnga ilassutitut siunnersuutigineqarpoq, naatsorsueqqittoqartassasoq, maannakkorpiaq aningaasarsiat 5 pct.-imik allanngoraangata, 10 pct.-iunngitsoq, siunnersuummi tusarniaatitut nassiunneqartumi allassimasutut. Killiliussa 10 pct.-inut inissinneqarpat, assersuutigalugu inoqutigiinni 250.000 kr.-nik ataatsimut maannakkorpiaq aningaasarsiaqartuni 25.000 kr.-t sinnerlugit ilanngarlugilluunniit allanngoraangata naatsorsueqqinneq aatsaat pisassaaq. Aningaasarsiani taama annertutigisumik allanngortoqarpat, isumaginninnikkut tapiissutini tiguneqartuni aamma annertuumik allannguisoqassaaq. Pisumi aningaasarsiat

appariarneranni inoqutigiinnut artornarsinnaavoq 24.999 kr.-nik appariarfiunissaa, aningaasarsiat naatsorsoqqinneqarnissaata tungaanut. Pisuni aningaasarsiat ineriartorfianni tulluurtuusorinangissinnaavoq tapiissutinik, malittarisassat nalinginnaasut naapertorlugit inoqutigiit pissarsiarisinnaasaat sinnerlugit tunniussisoqartassappat. 5 pct.-imik killiliisoqarnerani pissutsit tamakku eqqarsaatigineqarnerussapput.

IIAN-ip siunnersuutigaa, inatsimmi oqaasertaliussaq allanngortinneqassasoq kiisalu "ilimagineqartut" peerneqassasoq.

"Ukiup aningaasarsiaqarfiup sinnera" pillugu oqaasertaliussamut qulaani oqaaseqaatinut innersuussisoqarpoq.

IIAN-imut paasinarluangilaq "tamakkiisutut" sumut innersuussutaanersoq.

"Tamakkiisutut" siunnersuummit pisariaqanngitsutut peerneqarpoq.

IIAN-ip inassutigaa, pisoq innuttaasoq, tapersiissutinik assigiinngitsunik arlalinnik tiguisartooq, ima inissisimalersinnaasoq, tapersiissutit taakku assigiinngitsut maannakkorpiaq aningaasarsiat assigiinngitsut tunngavigalugit naatsorsorneqarsinnaaneri, aamma innuttaasup pineqartup aningaasarsiai naatsorsuinermit tunngavittut ilaagaluartut iliuuseqarfigineqarnissaa isumaliutersuutigineqassasoq. IIAN-ip aaqqiissutissatut siunnersuutaasinnaasoq eqqartorppaa, taassuma pitsaaqutai akornutaalu isumaliutersuutigineqassasut IIAN isumaqarpoq.

Ilumoorpoq, innuttaasoq piffissani assigiinngitsuni isumaginninnikkut tapersiissutinik assigiinngitsunik qinnuteqarsimappat, isumaginninnikkut tapersiissutit annertussusii pineqartup tiguartagai piffissani assigiinngitsuni allanngortinneqartartut il. il., ima pisoqarsinnaalluni, isumaginninnikkut tapersiissutit assigiinngitsut maannakkorpiaq aningaasarsiat assigiinngitsut tunngavigalugit naatsorsorneqartarlutik. Maannakkorpiaq paasissutissanik pigisaqartoqanngilaq, tamanna qanoq akulikitsigisumik pisarnerooq kiisalu pisoqartarnerooq, innuttaasunik naammaginangitsumik imaluunniit tulluannngitsumik sullissinermik. IIAN-ip ajornartorsiutit tikkuagai pillugit, naalakkersuisoqarfiit akornanni suleqatigiissitanik imminut pilersornerulernissamik isiginninnissamut pilersinneqartunik ilanngussisoqassasoq tulluassaaq. Suleqatigiissitat, paasineqarpat, ajornartorsiut innuttaasunut ajoqutaasoq pineqartoq, ilaatigut isumaliutersuutigissavaat aaqqiissutaasinnaasut assigiinngitsut pitsaaqutaat akornutaallu.

Tusarniaavigisat allat siunnersuummut allanik oqaaseqaateqanngillat.

Aalajangersakkanut ataasiakkaanut oqaaseqaatit

Nr. I-imut (§6)

Pisut ilaanni inuup aningaasarsiatigut atugai piffissap sivikitsuinnaap ingerlanerani allannguuteqartarput. Tamatumani assersuutigineqarsinnaavoq ilinniagaqartoq ilinniarnerninik naammassinnippat atorfeqalerpallu imaluunniit sulisartoq pensionisiaqalerniarluni suliffimminit soraarpat imaluunniit pineqartoq napparsimaneq tassangaannartumilluunniit pilersumik ajoquserluni piffissami sivikinnerusumi sivilunerusumiluunniit sulisinnaajunnaarpat.

Aalajangersakkakut pisortat pisussaaffilerneqarput aningaasarsiat 5 procentimik amerlanernilluunniit allannguuteqartussatut naatsorsuutigineqarpata maanna aningaasarsiaasa nutaamik naatsorsornissaannut. Naatsorsuinermi maannakkorpiaq aningaasarsiat, aalajangiinnermut atatillugu tunngavigineqartut aamma ukiup aningaasarsiaqarfiup sinnerani maannakkorpiaq aningaasarsiasatut naatsorsuutigineqartut assersuunneqassapput.

Immikkoortuni, inoqutigiit maannakkorpiaq aningaasarsiai aallaavigalugit tapiissutinik tunniussisarfiusuni il. il. ., inoqutigiit maannakkorpiaq aningaasarsiai 5 procentimik annertunerusumilluunniit allanngorpata naatsorsueqqittoqassaaq. Immikkoortuni, inuup pineqartup maannakkorpiaq aningaasarsiai aallaavigalugit tapiissutinik tunniussisarfiusuni il. il. ., inuup maannakkorpiaq aningaasarsiai 5 procentimik annertunerusumilluunniit allanngorpata naatsorsueqqittoqassaaq.

Inuup qaammammi ataatsimi marlunniluunniit aningaasarsiaasa nikerarnerat pineqartut aningaasaqarnikkut atugaasa sivilunerusumik allannguuteqarnerannut takussutissaanersoq pisortat tamatigut siumut maluginiarsinnaangilaat. Taamaalillunilu siviluumik allannguuteqartoq pisortat tunngavissalimmik pasitsaappassuk imaluunniit inuk oqartussaasunut aningaasarsiami 5 procentimik amerlanernilluunniit allanngornissaannik paasissutissanik pissarsiviusumik saaffiginnippat pisortat inuup maannakkut aningaasarsiaanik taamaallaat naatsorsueqqittalissapput.

Inuup maannakkut aningaasarsiaanik nutaamik naatsorsuisoqarpat tamanna tapiissutinik, isumaginninnermi tunniuttakkanik tunniuttakkalluunniit annertussusissaannik aalajangersaanermi tunngavigineqassaaq.